



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Sarajevo, 19.03.2015. godine
Broj: 01/S/15

ZAPISNIK
SA XIII. REDOVNE - IZBORNE SKUPŠTINE
UDRUŽENJA INŽENJERA I TEHNIČARA ŠUMARSTVA FEDERACIJE BiH

Održane dana 19.03.2015. god. (četvrtak) u Islamskom kulturno-obrazovnom centru Sultan Mehmet Fatih u Goraždu, sa početkom u 11,30 sati.

Prisutno je bilo 49 (četrdesetdevet) delegata, a odsutno 16 (šesnaest) delegata i to: Arsen Dedić, Amir Manso, Kemal Holjan, Velid Subašić, Islam Muharemović, Mirsad Jusić, Samir Čajić, Hasib Kličić, Huse Duraković, Denis Burzić, Šefik Porić, Dževad Jakupović, Denisa Begić, Zoran Jozinović, Admir Omerčević i Sanela Mulić, uz prisustvo 7 (sedam) gostiju.

Predsjednik Skupštine je prije zvaničnog otvaranja pozdravio sve prisutne, zahvalio se domaćinima XIII. Redovne Skupštine Udruženja, direktoru JP „Bosansko-podrinjske šume” d.o.o. Goražde Kenanu Kanliću, Vladi i Skupštini BPK, na čelu sa premijerom BPK-a Emirom Okovićem i predsjednicom Skupštine BPK-a Aidom Obuća. Zajedno sa naprijed navedenim predstavnicima Udruženja su simboličnom sadnjom sadnica pančičeve omorike, započeli projekat „Memorijalna šuma – Srebrenica 8.732”, na lokalitetu Posestra, Općina Goražde, te sa načelnikom Općine Foča/FBiH Zijadom Kunovcem i njegovim saradnicima, izvršili sadnju platana ispred zgrade Općine Foča/FBiH, kao vid sjećanja na održavanje Skupštine Udruženja i obilježavanja Međunarodnog dana šuma.

Nakon pozdravnih riječi i čestitki, predsjednik Skupštine je utvrdio da postoji kvorum za njeno održavanje i Skupštini je predložio sljedeći

DNEVNI RED

1. Otvaranje Skupštine, izbor Radnog predsjedništva i zapisničara.
2. Pozdravne riječi.
3. Razmatranje i usvajanje zapisnika sa XII. Redovne Skupštine UŠIT-a FBIH.
4. Razmatranje i usvajanje:
 - a) Izvještaja o radu za 2014. godinu.
 - b) Finansijskog izvještaja za 2014. godinu.
 - c) Izvještaja Nadzornog odbora za 2014. godinu.
5. Razmatranje i usvajanje:
 - a. Plana rada za 2015. godinu.
 - b. Finansijskog plana za 2015. godinu.
6. Tekuća pitanja.

Nakon što je predložen dnevni red, isti je stavljen na usvajanje, te Skupština donosi sljedeći



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

ZAKLJUČAK

- Jednoglasno se usvaja predloženi dnevni red XIII. Redovne Skupštine Udruženja.

Ad. 1. Predsjednik Skupštine je zvanično otvorio XIII. Redovnu Skupštinu Udruženja, te je po Poslovniku o radu Skupštine Udruženja predložio za Radno predsjedništvo Skupštine sljedeće delegate: Dženitu Velić - člana, Nerminu Kantić - člana i Refika Hodžića - predsjednika Radnog Predsjedništva, a za zapisničara Azera Jamakovića, te je nakon iznešenih prijedloga, Skupština donijela slijedeći

ZAKLJUČAK

- Jednoglasno se usvaja prijedlog Radnog predsjedništva i zapisničara XIII. Redovne Skupštine Udruženja.

Ad. 2. Skupštini su se sa pozdravnim riječima, željama za uspješnim radom Skupštine i čestitkama povodom obilježavanja "Međunarodne godine šuma" obratili: Emir Oković – premijer Bosansko-podrinjskog kantona, Aida Obuća - predsjednica Skupštine BPK, Kenan Kanlić – direktor JP "Bosansko-podrinjske šume" d.o.o Goražde, dopisni člana Akademije nauka i umjetnosti BiH prof.em.dr. Vladimir Beus i predsjednik Udruženja doc.dr. Ahmet Lojo.

Nakon što su završene pozdravne riječi, Minela Bezdob, dipl.ing.hort. je delegatima Skupštine prezentovala projekat „Memorijalna šuma – Srebrenica 8.732”.

Ad. 3. Nakon prezentacije projekta predsjednik Skupštine stavio je na glasanje Zapisnik sa XII. Redovne Skupštine UŠIT-a FBiH, te Skupština Udruženja donosi slijedeći

ZAKLJUČAK

- Jednoglasno se usvaja Zapisnik sa XII. Redovne Skupštine UŠIT-a FBiH.

Ad. 4. a), b) i c) Izvještaj o radu za 2014. godinu, prezentirao je predsjednik Predsjedništva doc.dr. Ahmet Lojo, dok je Finansijski izvještaj i Izvještaj Nadzornog odbora za 2014. godinu prezentirao sekretar Udruženja Azer Jamaković. Nakon što su izvještaji prezentirani, a pošto nije bilo disusije, predsjednik Skupštine je izvještaje stavio na glasanje, te Skupština Udruženja jednoglasno donosi slijedeću

ODLUKU

- Usvajaju se Izvještaj o radu za 2014. godinu, Finansijski izvještaj za 2014. godinu i Izvještaj Nadzornog odbora za 2014. godinu.

Ad. 5. a) i b) Plan rada za 2015. godinu prezentovala je podpredsjednica Udruženja Samira Smailbegović, dok je predsjednik Skupštine naglasio da je Finansijski plan za 2015. godinu, dostavljen svim delegatima i objavljen na web stranici, tako da nema potrebe da se prezentira, jer se Skupština vremenski odužila, pa su delegati jednoglasno podržali njegov prijedlog.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Predsjednik Skupštine je otvorio diskusiju po tačkama 5. a) i b) dnevnog reda, nakon čega su u disusiji učestvovali:

Munib Kljajić je istakao da svaki član Udruženja ima obavezu plaćanja godišnje članarine i da se razmisli o kvalitetnijem načinu plaćanja, da li procentualno od iznosa plate ili na neki drugi način i da se preko platnih lista, članarina odbija od plate. Naglasio je i da se napravi fond za akcije pomoći ugroženim članovima, te je zamolio da je u zadnje vrijeme preminulo nekoliko kolega, pa da se prije svake Skupštine Udruženja minutom čutnje i učenjem Fatihe sjetimo svih preminulih kolega.

Ahmet Sejdić je istakao da Udruženje poveća prihodovnu stranu preko realizacije projekata uz veći angažman svih članova, te da Udruženje treba da inicira donošenje Zakona o šumama FBiH, kao i da traži informaciju šta se dešava sa Šumarskim programom FBiH i projektom Uvođenja informacionog sistema u šumarstvu, te da se inicira hitna analiza stanja u oblasti šumarstva. Naglasio je i da je možda nerealna kupovina poslovnog prostora za potrebe Udruženja prema trenutnom stanju Udruženja i da se možda projekat treba pokušati realizirati za naredni četverogodišnji period.

Predsjednik Predsjedništva je rekao da što se tiče akcija prikupljanja pomoći Udruženje neće nikada stavljati neke kolege ispred drugih, ali da svakako inicijativa treba doći od članstva, jer mi ne znamo kada je nekome potrebna pomoć i da će se Udruženje svakako uključiti u skladu sa svojim mogućnostima. Podržao je i inicijative za izrade projekata, ali je naglasio da te projekte treba neko i predložiti, jer smo već imali primjere da se traži projekat, ali je odziv slab sa terena ili ga nema nikako. Što se tiče poslovnog prostora istakao je da treba postojati cilj, pa će se težiti ispunjenju tog cilja. Svakako da se sada nije u mogućnosti kupiti poslovni prostor, ali kad se stavi na račun desetogodišnje plaćanje zakupnine, dobije se pristojna svota novca za koji se može izvršiti kupovina poslovnog prostora.

Nakon diskusije, Skupština Udruženja jednoglasno donosi sljedeću

ODLUKU

- Usvajaju se Plan rada za 2015. godinu uz dopune po prijedlogu svih diskutantata.
- Usvaja se Finansijski plan za 2015. godinu.

Ad. 6. Pod tačkom tekuća pitanja Sabahudin Solaković je ispred Udruženja šumara USK-a "Grmeč", istakao probleme vodozaštitnih zona, kao i sve veći uticaj da se veći šumski kompleksi proglašavaju nacionalni parkovima ili nekim drugim zaštićenim područjima, kao što je slučaj trenutno u USK, da se skoro cijeli Grmeč želi proglasiti nacionalnim parkom, te je naglasio da je potrebno hitno donošenje Zakona o šumama FBiH.

Prof.em.dr. Vladimir Beus je naglasio da bez obzira na zaštitu, šume i šumska zemljišta trebaju biti u ingerenciji šumara, a gospodarenje u skladu sa vrstom zaštite, ali ne da se izuzima od šumara.

Nermin Demirović je zatražio da se pokrene inicijativa da se svi zakoni i podzakonski akti iz oblasti vodoprivrede i rudarstva usklade sa Zakonom o šumama FBiH i podzakonskim aktima iz oblasti šumarstva.

Nakon diskusije, Skupština Udruženja donosi jednoglasno slijedeći



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

ZAKLJUČAK

- Zadužuje se Predsjedništvo Udruženja da između dvije izvještajne Skupštine, organizuje još jednu Skupštinu Udruženja na kojoj će se izvršiti izmjene i dopune Statuta Udruženja i Poslovnika, u skladu sa Zakonom o udruženjima i fondacijama FBiH i trenutnim potrebama Udruženja.

Skupština je završena u 14,00 sati.

Zapisnik vodio

Azer Jamačović, dipl.ing.šum.

Predsjednik Skupštine

Refik Hodžić, dipl.ing.šum.